

**"Азаматтардың жеке санаттарына әлеуметтік төлемдердің кейбір түрлерін төлеудің Нұсқаулықтарын бекіту туралы" Арал ауданы әкімдігінің 2010 жылғы 9 наурыздағы N 30 қаулысына өзгерістер енгізу туралы**

*Күшін жойған*

Қызылорда облысы Арал ауданы әкімдігінің 2011 жылғы 06 сәуірдегі N 39 қаулысы. Қызылорда облысының Әділет департаменті Арал аудандық Әділет басқармасында 2011 жылы 26 сәуірде N 10-3-183 тіркелді. Күші жойылды - Қызылорда облысы Арал ауданы әкімдігінің 2013 жылғы 11 сәуірдегі N 121 қаулысымен

**Ескерту. Күші жойылды - Қызылорда облысы Арал ауданы әкімдігінің 11.04.2013 N 121 қаулысымен.**

"Қазақстан Республикасындағы жергілікті мемлекеттік басқару және өзін-өзі басқару туралы" Қазақстан Республикасының 2001 жылғы 23 қаңтардағы N 148 Заңының 31-бабын, "Ұлы Отан соғысының қатысушылары мен мүгедектеріне және соларға теңестірілген адамдарға берілетін жеңілдіктер мен оларды әлеуметтік қорғау туралы" Қазақстан Республикасының 1995 жылғы 28 сәуірдегі N 2247 Заңын басшылыққа ала отырып жекелеген санаттағы азаматтарға бір жолғы материалдық көмек берудің тәртібін реттеу мақсатында Арал ауданының әкімдігі **ҚАУЛЫ ЕТЕДІ:**

1. "Азаматтардың жеке санаттарына әлеуметтік төлемдердің кейбір түрлерін төлеудің Нұсқаулықтарын бекіту туралы" Арал ауданы әкімдігінің 2010 жылғы 9 наурыздағы N 30 қаулысына (нормативтік құқықтық кесімдерді мемлекеттік тіркеу тізілімінде 2010 жылдың 25 наурызындағы N 10-3-154 нөмірімен тіркелген, 2010 жылдың 31 наурызындағы аудандық "Толқын" газетінің N 25 санында ресми жарияланған) төмендегідей өзгерістер енгізілсін.

2. Аудан әкімдігінің 2010 жылғы 9 наурыздағы "Азаматтардың жеке санаттарына әлеуметтік төлемдердің кейбір түрлерін төлеудің Нұсқаулықтарын бекіту туралы" N 30 қаулысының (нормативтік құқықтық кесімдерді мемлекеттік тіркеу тізілімінде 2010 жылдың 25 наурызындағы N 10-3-154 нөмірімен тіркелген, 2010 жылдың 31 наурызындағы "Толқын" газетінің N 25 санында ресми жарияланған) N 1 қосымшасының күші жойылды деп танылсын.

3. Аталған қаулының N 1 қосымшасы "Жекелеген санаттағы азаматтарға бір жолғы материалдық көмек беру Нұсқаулығы" болып - жаңа редакцияда бекітілсін.

4. Осы қаулының орындалуына бақылау жасау аудан әкімінің орынбасары К.Данабайға жүктелсін.

5. Осы қаулы алғаш ресми жарияланған күнінен бастап күнтізбелік он күн өткен соң қолданысқа енгізіледі.

Арал ауданының әкімі

Н. Мұсабаев

Аудан әкімдігінің  
2011 жылғы "06" сәуірдегі  
N 39 қаулысымен  
бекітілген N 1 қосымша

## **Жекелеген санаттағы азаматтарға бір жолғы материалдық көмек беру**

### **Нұсқаулығы**

#### **Жалпы қағида**

1. Осы Нұсқаулық жекелеген санаттағы азаматтарға берілетін бір жолғы материалдық көмек берудің тәртібін реттейді (бұдан әрі қарай - Нұсқаулық).

2. Осы Нұсқаулықты қабылдауда Қазақстан Республикасының 2001 жылғы 23 қаңтардағы "Қазақстан Республикасындағы жергілікті мемлекеттік басқару және өзін-өзі басқару туралы" Заңының 31-бабы, "Ұлы Отан соғысының қатысушылары мен мүгедектеріне және соларға теңестірілген адамдарға берілетін жеңілдіктер мен оларды әлеуметтік қорғау туралы" Қазақстан Республикасының 1995 жылғы 28 сәуірдегі N 2247 Заңы негізге алынды.

## **2. Көмек алу құқығы**

1. Бір жолғы материалдық көмекті алуға құқығы бар жекелеген санаттағы азаматтар:

- 1) Ұлы Отан соғысының қатысушылары мен мүгедектері,
- 2) Ұлы Отан соғысының қатысушыларына теңестірілгендер,
- 3) Ұлы Отан соғысы жылдарында қаза тапқан әскери қызметшілердің қайтадан некеге отырмаған жесірлері,
- 4) Ұлы Отан соғысы жылдарында тылдағы қажырлы еңбегі және мінсіз әскери қызметі үшін бұрынғы КСР Одағының ордендерімен және медальдерімен наградталған адамдар,
- 5) 1988-1989 жылдардағы Чернобыль АЭС-індегі апаттың зардаптарын жоюға қатысушылары мен мүгедектері,
- 6) Ауған соғысына қатысушылары мен мүгедектері,
- 7) Семей сынақ полигонындағы ядролық сынақ жұмыстарына тікелей қатысқан, ядролық сынақ жұмыстарына байланысты мүгедектік алған азаматтар.

### **3. Көмек беру тәртібі**

1. Бір жолғы материалдық көмек қаржылай жылына бір рет беріледі.

2. Көмекті алуға құқығы бар азамат, көмекті тағайындау жөніндегі өтінішті "Арал аудандық жұмыспен қамту және әлеуметтік бағдарламалар бөлімі" мемлекеттік мекемесіне төмендегідей құжаттармен қоса тапсырады:

1) Жеке куәлігі (көшірмесі)

2) Азаматтарды тіркеу кітабы (көшірмесі)

3) Жеке есеп шотының нөмірі (көшірмесі)

4) Ұлы Отан соғысының қатысушылары мен мүгедектерінің, Ұлы Отан соғысының қатысушыларына теңестірілгендердің, Ұлы Отан соғысы жылдарында қаза тапқан әскери қызметшілердің қайтадан некеге отырмаған жесірлерінің, Ұлы Отан соғысы жылдарында тылдағы қажырлы еңбегі және мінсіз әскери қызметі үшін бұрынғы КСР Одағының ордендерімен және медальдерімен наградталған адамдардың, 1988-1989 жылдардағы Чернобыль АЭС-індегі апаттың зардаптарын жоюға қатысушылары мен мүгедектерінің, Ауған соғысының қатысушылары мен мүгедектерінің, Семей сынақ полигонындағы ядролық сынақ жұмыстарына тікелей қатысқан, ядролық сынақ жұмыстарына байланысты мүгедектік алған азаматтардың құқығын растайтын құжаттардың көшірмелері.

3. "Арал аудандық жұмыспен қамту және әлеуметтік бағдарламалар бөлімі" мемлекеттік мекемесі бөлінген қаржы шегінде бір жолғы материалдық көмекті алушылардың тізімдерін қалыптастырады, тізімнің нақтылығына жауапты болады.

4. Бір жолғы материалдық көмек алушылардың жеке есеп шоттарына екінші деңгейдегі банктер арқылы немесе банк операцияларының тиісті түріне Қазақстан Республикасы Ұлттық банкінің лицензиясы бар ұйымдар арқылы аудару жолымен беріледі.

### **4. Бір жолғы материалдық көмектің мөлшері**

1. Бір жолғы материалдық көмек жергілікті бюджеттен бөлінген қаржы шегінде беріледі.

### **5. Бір жолғы материалдық көмектің жүзеге асырылуына бақылау жасау**

1. Бір жолғы материалдық көмектің берілуіне бақылау жасау Қазақстан Республикасының қолданыстағы заңнамаға сәйкес жүргізіледі.

